

SESSIONI URDINARIA DI U 10 DI MARZU DI U 2023

N° 2023 / M3/ 49

QUISTIONE URALE DIPUSITATA DA LISA SALINI A NOME DI U GRUPPU « SOLCU NAZIUNALISTU »

Ughjettu : Previsioni è previnimentu di a penuria d'acqua 2023

O sgiò Presidenti di u Cunsigliu esecutivu,

L'anni scorsi è i so staghjoni turistichi, incù i so pinurii è prublemi cunsoci ci anu amparatu parecchi lizioni. Frà issi insegnamenti hè quiddu di a gestioni di l'acqua è d'i penurii ch'anu toccu prima l'agricultori, dopu i cittadini corsi è infini i prufeziunali di u turisimu.

Vistu i previsioni di a frequentazioni pà u 2023 è l'evoluzioni di a situazioni climàtica, pudemu aspittà un livellu di penuria d'acqua ancu più seriu pà quistu annu.

Malgradu issi previsioni è i so pericoli, nissun' studiu annantu à a cunsumazioni liata à u turisimu ùn hè statu publicatu, eppuru ci hè sicuramente un serviziu pùblicu in Corsica chì t'hà accessu à i sciffri di a cunsumazioni d'ogni ghjornu d'un turistu in funzioni d'u so tipu d'alloghju (Palazzu, camping, alloghju particulari). Issu tipu di studiu ci parmitteria di sapè, in funzioni di i volumi d'acqua dispunibili, quantu turisti i sfarenti rughjoni di Corsica poni accoglia senza nissun' risicu ne sacrificiu. Allora a me dumanda oghji è assai simplici :

Induva i pudemu truvà issi sciffri è risultati in quantu à a noscia capacità d'accogliu, in termini d'acqua dispunibili ?